

حينما تصبح قيمتك في الحياة صفر | #محاضرة | د. حازم

شومان

حازم شومان

لله وكفى وصلاة وسلاما على عباده الذين اصطفى. اللهم لك الحمد كله ولك الملك كله. وببيدك الخير كله واليك يرجع الامر كله. اللهم صل على عبدك ونبيك محمد صلى الله عليه وسلم. في الاولين والآخرين وفي كل وقت وحين. اما بعد اخواني واخواتي في الله ربنا يبارك في هذا الجمع المبارك وبارك - 00:00:01

اخواني شيخ نادر ومشايخنا واساترتنا قائمين على المسجد والرجالة اللي فوق والشباب يعني اخواتنا الكريمات اللي يشرفونا بالحضور ربنا يبارك في هذه القرية المباركة واسأل الله سبحانه وتعالى ان ينزل على هذه البلدة من بركاته ورحماته. اسأل الله ان يبارك لاهل هذه - 00:00:24

البلدة في ايمانهم وفي يقينهم وفي حسن توكلهم على الله. وفي طعامهم وشرابهم وان يفرج كربهم. انه ولي ذلك والقادر عليه اما بعد اخواني واحبابي في الله يعني اه شيخ نادر قرأ كده اية انا شايف المسجد ما شاء الله مليون شباب. ما دام مليون شباب يبقى مليون امل. ما دام مليون شباب يبقى - 00:00:44

مليون امل كل واحد منكم هيبقى بكرة امل من امل هذه الامة. امل من امل هذه البلد. كل واحد منكم ممكن بكرة يبقى حاجة كبيرة وحاجة مهمة وممكن ما يبقاش له اي دور في الحياة. ولا من سمع ولا من جري ويموت زي ما مات غيره ولا يؤدي اي دور. على الاطلاق - 00:01:04

عشان كده الله يقول وعنده مفاتيح الغيب لا يعلمها الا هو. بعض المفسرين قالوا مفاتيح الغيب. يعني مصائر مستقبل العباد. يعني ايه انت هتبقى ايه بكرة؟ انت بكرة هتبقى ايه؟ انت بكرة هتعمل حاجة. هيبقى عندك طموح. هتحقق امالك. هتسيب بصمة للامة دي ولا انت هتعبش - 00:01:24

وهتموت زي ما عشت والكلمة يعني الاية اللي قرأها الشيخ نادر. وبصراحة تمزق اي قلب لو خرجوا فيكم ما زادوا لو خرجوا فيكم هذا الانسان قيمته في الحياة صفر. اوعى تبقى انت الشخصية دي. اوعى تبقى قيمتك في الحياة صف لو - 00:01:44
خرجوا في واحد قاعد وسط الناس وخلص. ما لوش اي قيمة اضافية في الحياة. لا يمسل قيمة في اي مكان. عكس مباركا اينما كنت. لو خرج ارجو فيكم ما زادوكم. انسان لا عنده روح مبادرة ولا عنده ايجابية ولا عنده قوة ولا عنده اضافة. انسان قيمته في الحياة عند الله - 00:02:04

وعند الناس تساوي صفر لو خرجوا فيكم ما زادوكم قبلها ربنا قال كلمة خطيرة اوي. قال ولكن كره الله انبعاثهم تخيل اما ربنا يعني ربنا يحب ان اي حد يشتغل في الدعوة. ان اي ربنا كاره ان ده يشتغل في الدعوة. ربنا كاره ان ده ينزل - 00:02:24
ربنا كاره ان ده يدخل في وسط المتدين ليه؟ كره الله انبعاثهم فثبطهم ثبتهم اي ملأ قلوبهم وملأ اجسادهم بالكسل وملأ ايديهم بالعمل وملأ طريقهم بالعلل. يعني مش هيشغل يحصل له مشاكل هو فيه ايه؟ هو ربنا مش مسهل لي الامور ليه؟ هي الدنيا مقفلة في وشي ليه؟ كاره الله انبعاثهم فثبطهم وقيل - 00:02:44

اقعدوا مع القاعدين. ليه؟ عشان لو خرجوا فيكم ما زادوكم عشان هو صفر اصلا. عشان هو انسان لا يمسل اي قيمة بالعكس ده ممكن يبقى العكس طيب يعني عايزين يا شباب ما دام بقى المسجد فضل ومنة الله يعني مليون شباب وكله شباب حتى حتى الناس الكبار

اللي زيي كده برضه شباب يعني. لان الشباب شباب - 00:03:14

القلب خدوا بالكم يعني. فحد يقدر يقول لي اية العلماء قالوا دي اية الشباب المفسرين وياخد مية جنيه! قالوا هذا هو الشباب وياخد ميت جنيه. ميت جنيه يا شيخ. شيخ نادر. اه - 00:03:34

ايه؟ فتية امنوا بربهم! لاً ما هو فتية هم فتية! ما هو فتية دي يعني آآ يعني من الفتوة اصلا وشبابنا يا رجال انا عايز اية لمفسرين قالوا عليها او بعض المفسرين قال دي اية هو ده الشباب. هذا هو الشباب. لاً في سورة - 00:03:54

ايه يا شيخة انا انا واية رقم كم في سورة ايه ماشي ما انا ببص لك ما انا عارف انه ايه اللي قال بس انا ها مية جنيه يا رجالة - 00:04:14

واز قال موسى لفتاه لا ابرح حتى ابلغ. قال لك لا ابره حتى ابلغ دي هي الشباب. اللي الروح دي هو ده الشاب مش الشاب اللي لسة شعره اسود. مش مش الشاب اللي لسة شعره ما وقعش والبروفة ما مسكتش والدنيا مش الشاب اللي عنده عشرين - 00:04:24
عشرين سنة يعرف يجري ثلاث ساعات في ملعب الكورة. لاً الشاب اللي عنده لا ابرح حتى ابلغ. اللي مصمم انه يوصل لاهدافه وعنده طموح ويعني بنتجوز لما كان عنده تمانين سنة وراح يتعلم القراءات العشرة كان شاب ولا مش شاب؟ هو ده شاب لا ابراً حتى قبله - 00:04:44

طول ما انت جواك طموح وجواك اهداف. ومصمم توصل لها وبتكافئ عشان توصل لها. انت شاب. هو ده شباب القلب. انما ممكن واحد عنده عشرين سنة وعجوز عجوز عنده اكتئاب وعنده توتر وعنده ضغط نفسي ومشلول ومحطم ومحبط ومكتئب وتايه وما بيعملش حاجة في حياته ده - 00:05:04

منين؟ الشباب هي لا ابرح حتى ابلغ اللي عنده دي منكم هو ده الشاب. هو ده اللي احنا بنكلمه. تعالوا يا شباب بقى اما نتكلم عن اسباب النجاح في الحياة. ازاى ان انت يبقى لك قيمة في الحياة؟ ازاى انك انت قبل ما تموت تكون سبت بصمة في الحياة؟ ازاى انك انت يبقى لك قيمة عند الله وعند - 00:05:24

يا ملائكة السماوات عند الناس. ازاى بتحقق طموحك؟ ازاى تبقى انسان ناجح؟ ازاى ما تبقاش انسان فاشل؟ هاحكي لكم الاول قصة واحد اسمه محمد كم واحد فيكم اسمه محمد؟ ما شاء الله. كتير اسمهم محمد هنا. ولكن هو كان اسمه محمد ادريس. عرفته ولا لسه - 00:05:44

ابن ادريس الشافعي امام الشافعي. هحكي لكم قصة الامام الشافعي عشان تعرفوا مين اللي بينجحوا في الحياة. هو اشمعنى الشافعي بقى الشافعي؟ يعني كان في ائمة في الشافعي ولا ما كانش فيه؟ ها؟ اليس ابن مالك. ليس ابن مالك ده كان قصة ان فقيه اهل مصر في زمن اشمعنى الامام الشافعي يقول لك مصر شافعية - 00:06:04

وتلت العالم الاسلامي شافعي والدنيا شافعية والازهر بيدرس المذهب الشافعي وناس بتموت في اشمعنى ده يعني؟ يعني اشمعنى ده اللي الام كلها اجمعت عليه. اشمعنى ده اللي لما جه مصر جمع عمرو بن العاص تسلم له راح مكة قعدوه على الكرسي الذي لم يجلس عليه في - 00:06:24

تاريخ الاسلام الا عبد الله ابن عباس. راح العراق ادوا له المسجد الكبير في العراق. اشمعنى ده اللي الدنيا كلها وقفت له؟ عشان ايه؟ حد يعرف الشافعي ماتوا عنده كم سنة؟ اربعة وتمانين ولا اربعة وتسعين ولا كم؟ اربعة ايه يا عم الجمال ده! ما شاء الله! طب وكنت يعني اربعة - 00:06:44

وخمسين. جزاك الله خيراً. انت اسمك ايه؟ محمد. يعني على اسم الامام الشافعي. محمد احنا عايزين نتشافعن النهاردة كلنا عايزين نتبع المذهب الشافعي. بس مش المذهب الشافعي في الحلال والحرام. المذهب الشافعي في الحياة - 00:07:04

طريقة ذلك الراحل الامام الشافعي اتولد في غزة وطول عمر غزة طبعاً رمز العزة اتولد في غزة. ابوه كان فقير جدا ومش لاقى ياكل ولا يجد قوت يوم ابوه مات وهو شاب صغير. وده اول ابن كانت مرات ابو الامام الشافعي حامل فيه. فالامام الشافعي اتولد يتيم - 00:07:18

يتيم وهو عنده سنتين ابوه مات فبقى يتيم وما لوش اخوات واهه لا تجد قوت يومها. اي واحدة في مكان ام الامام الشافعي هتتحط في موقف رهيب يعني طب تجوز حد يصرف على ابنها طب تعمل ايه ؟ ولكن ام الامام الشافعي كانت بسبع تلاف راجل. من رجالة الايام دي فضلا عن ستات الايام - [00:07:38](#)

وتقرر انها تنزل ابنها لعلم الشريعة ولعلم الدين. وتسافر لمكة ترجع لمكة لان الامام الشافعي اصلا من قريش ترجع لمكة وتقرر ان هي تموت نفسها عشان تصرف على ابنها وابنها ما يطلعش اي حاجة غير في العلم الشرعي. وهو عنده - [00:07:58](#)

اربع سنين توديك كتاب. الامام الشافعي ما لا يملك اي حاجة. يروح يقعد وسط الاطفال في الكتاب. الشيخ بتاع الكتاب قعد يحفظ الطفل اللي جاب له اكل والطفل اللي جاب له فلوس - [00:08:18](#)

والطفل اللي جاب له حاجة والامام الشافعي ما عندوش حاجة يديها له. فرمى الامام الشافعي. وما رضاش يهتم به ولا يحفظه. فرجع يبكي لاهه بعد فترة بقى من الكتاب اهه قالت له شف حد ابن غني ابن واحد من الاغنياء اللي بيحب لي الشيخ في الكتاب حاجات كتير. واقعد جنبه يبجي الشيخ يحفزه القط انت - [00:08:28](#)

ايه؟ التحفيز من الشيخ. فبدأ الامام الشافعي يعمل القصة دي. الشيخ راميته خالص وما بيبصلوش خالص. ولا مهتم به وهو قاعد جنب الايه؟ جنب الناس اللي الشيخ مهتم بهم يسمع ويلقط. مرة الشيخ غاب مين اللي يحفظ الاطفال ويعلمهم؟ بدأ الامام الشافعي وهو

طفله هو اللي يحفظ الاطفال - [00:08:48](#)

ويعلمهم الشيخ رجع كان يتجنن. ده انا عايز حد يساعدني ومش لاقى. قال له بص انا تمسك مكاني لما اغيب مقابل ان انا احفزك بقى القرآن وهو عنده سبع سنين يختم المصحف. خلاص بقى انزل اشتغل زمان كان ده سن خلاص بقى ايه ينزل يشتغل بقى ايه اهله بقى

يودوه يسرحوه اي تسريحة يجيب فلوس - [00:09:08](#)

اهه ترفض تقول له تحفز السنة. قعد من سبع سنين لتلتاشر سنة يحفظ لحد ما حفز كل كتب السنة اللي كانت موجودة في الوقت ده. وعنده تلتاشر سنة كان حفظ كل حاجة. آآ فقيه اهل مصر اسمه الليث ابن سعد. كان في زيارة لمكة خدوه - [00:09:28](#)

مكة بقى واكرموه وقعدوا يحضروا له دروس بقى. فالامام الشافعي قعد يراقب ادليس ابن سعد وكان عنده تلتاشر سنة. سمعه بيقول كلمة كده بيقول ان سبب اختلاف الامة كلمة الليث ابن سعد انت ما تعرفش. انت ممكن تقول كلمة بيتيهيا لك ان هي مش مهمة. تصنع

امام. الكلمة دي صنعة الامام الشافعي. واللي قايس ابن سعد مش - [00:09:45](#)

هو بيقول كلمة كده بيقولها لحد من الناس بيقول له سبب اختلاف الامة هو ضعف علم الناس باللغة. ان اللغة عادت ضعيفة الامام الشافعي اتصارعت جواه قضية اختلاف امة بيقى انا عايز اوجد الامة. طب ودلوقتي عدم في علم الناس باللغة طبعا رجع لاهه المرأة

البطة الست اللي بسبع تلاف راجل - [00:10:05](#)

ام الامام الشافعي اصلا مرة آآ القاضي كانت هتشهد في قضية. فكان اتنين ستات ما فيش شهود غير اتنين ستات. فالقاضي قال دي في اوضة ودي في اوضة عشان يسمع شهادة من كل واحدة ما فيش واحدة منهم ايه تأسر على الثانية. فقالت له لا لا. فقد قال الله

فتذكر احدهما الاخت - [00:10:25](#)

قالت له شرع ربنا ان احنا الاتنين نبقى جنب بعض. فكانت ست عزيمة. وبعد ما مات جوزها صممت انها ما تتجوزش. وتفرغ عمرها للطفل الصغير اللي ربنا رزقه لها اللي هو - [00:10:45](#)

محمد ابن ادريس الشافعي انها انها تفرغ عمرها لان ابنها ده بيقى راجل من رجال الدين ربنا يعني ينفع به نفع كبير في الامة. سمع راح لاهه قالت له خلاص ما فيش غير قابلته زيل. اهه بدل ما تقول له تعال بقى في حضن ماما يا حبيبي. تعال يا ضاينا رماته اربع

سنين - [00:10:55](#)

كان في الصحرا ينام في الخيم في قبيلة هزيل وقالت له يا بني ان الامر اعز. اعز من انك انت تقعد جمبي وتونسني وانا عايشة لوحدي. رح اتعلم اللغة. رجع بعد اربع سنين مع عشر تلاف بيت شعر. عشر تلاف بيت شعر. الامام الشافعي كان من اعلم الامة في

اللغة. لدرجة ان شيخ هارون - [00:11:15](#)

الرشيد الشيخ المربي بتاع هارون الرشيد الخليفة في زمان الامام الشافعي. الاصمعي الشيخ هارون الرشيد. كان تلميذ من تلامذة الشافعي في اللغة. تلميذ ابن هشام صاحب السيرة المشهور. يقول جلست الشافعي عشر سنين فما اخطأ في كلمة -
00:11:35

في النحو مرة. ما فيش مرة غلط في كلمة في النحو. ما فيش مرة كان عالم رجع معه عشر تلاف بيت شعر. رجع عالم في الشعر. ايامها طبعاً كانت الامة رهيبة يا جماعة - 00:11:55

ايامها الخلافة العباسية كان هارون الرشيد يقف كده ويكلم السحابة يقول لها يا ايتها السحابة امطري حيث شئت مطري في الحجاز مطري في مطري في الهند مطري في الصين مطري في امريكا فان خراجك باذن الله سيصل الي. ده انا بح - 00:12:05
تلت تربع الكرة الارضية. هارون الرشيد يقول للسحابة كده. يقول لها انا باحكم ثلاث اربع الكرة الارضية. مطري زي ما انت عايزة زكاة الزرع اللي هتطلع بسبب مطرك هتيجي لي في خزانة الخلافة الاسلامية - 00:12:25

في الوقت ده جيل الشباب بقى مش جيل الشباب بقى اللي اقام الدين مع النبي عليه الصلاة والسلام. بقى شباب الامة مترف. عايزين يلعبوا بلاي ستيشن. وعايزين يلعبوا جيمز وعايزين - 00:12:42

يقعدوا على الموبايل يشيته وعايزين يكلموا بنات وعايزين الدنيا كانت بهدت اوي يا جماعة. شباب الامة في الوقت ده كانوا بهدوا اوي. ووقتها كان بدأ يطلع الشعر الاباحي. يعني ايه؟ عارفين - 00:12:52

زي المواقع اللي بايزة كده الوقتي بدأ شعراء الدولة العباسية يكتبوا الشعر الشعر الفاجر. فبدأ يحصل مشكلة ما بين رجال الدين والشعراوي فبدأ رجال الدين يفتوا فتاوى وحشة جدا في فالشعراء بقى ايه عايشين في الدور زي بتوع مهرجانات السينما الوقتي ايه يقول لك ايه الفن وما ماشي ما هو الفن ما هو الدين يقول - 00:13:02

بس هو ده فن؟ هو اللي انت بتعمله ده فن فالامام الشافعي طلع في وقت رهيب مدرسة ابو حنيفة ومدرسة الامام مالك مدرسة الرأي ومدرسة الحديث الاتنين كان بينهم حرب رهيبة ليس بين الامام مالك والامام ابو حنيفة ولكن بين تلامذتهم. حرب الامة متقطعة. الصراع بين السنة والشيعة رهيب - 00:13:22

الامة دخل فيها كل الاجناس. النساء بدأت تبعد عن الدين. فالامام الشافعي طالع في فترة عصيبة. رهيبة الامام الشافعي يأمره قعدت تزرع فيه ليه مش انت اللي تصلح الدنيا دي؟ ليه الام لما بتزرع بقى ما يرضتش تتجوز ونزرت عمرها لابنها - 00:13:42
رغم ان هي شابة وصغيرة ام الامام الشافعي كانت صغيرة. ما ماتتش غير وهو عنده خمسين سنة وهو داخل اول ما دخل مصر. لما جه مصر قبل ما يموت باربع سنين امه ماتت - 00:14:02

فتخيل امه قعدت وراه ستة واربعين سنة في طلب العلم. ستة واربعين سنة في طلب العلم وتعليم الناس لحد ما هزه المرأة يعني فعلاً يعني يعني انا بحس كده ان هي هي البطل اصلاً اللي في القصة. رحمها الله. المقصد الامام الشافعي رجع وعنده تمتاشر سنة من هذيل - 00:14:12

معه عشر تلاف بيت شعر يعني مش معه علوم الدين بس. استاز في اللغة متعلم رياضة الرمي. حد منكم بيروح جيم يا شباب حد بيروح جيم لأ انت مكسوف من ايه الشيخ نادر اهو بيروح جيم انا والله لسه دافع مبلغ في الجيم بس - 00:14:32
رحت ثلاث مرات وما كملتش الشهر ده. ما حدش بيروح جيم. ما حدش فيكم بيلعب رياضة؟ لأ مش كورة. مش بيلعب كورة. بيلعب رياضة يا مسعد الكورة كل الناس تلعب كورة. حد فيكم بيمارس رياضة؟ اي رياضة حد فيكم بيكتب شعر؟ ايه يا عم في ايه؟ انتم انا دخلت سكة - 00:14:53

غلط ولا ايه يا رجالة لأ انا بتكلم بجد الامام الشافعي بجانب علم القرآن والسنة راح اتعلم الشعر وراح اتعلم الاحتراف في صدم من الرياضات واتعلم علم الانساب. بقى عارف انساب المجتمع. وانساب النساء بالزات. فلما كان يبجي يتكلم مسلاً في الدين يقول ومسلاً -
00:15:13

العائلة الفلانية يقوم الناس بقى اللي هم الاغنياء بقى المليونيرات بقى والناس اللي هم من العيلة دي. يا نهار ابيض! هو احنا في الجامع

جہ سیرتنا! هو احنا على القنوات الفضائية - 00:15:33

الاسلامية بيتكلموا عنا وعارفين قيمتنا. ده الدين ده طلع جميل يا اخي. يقوم عليه المجتمع يعملوا ايه؟ يقوموا ييجوا يسمعوا دروس الدين بدأ يلعب رياضة يقوم الشباب يبص مين الشيخ الرويش طحن اخر حاجة ده! ايه ده! ده شيخ جبار يا جدع! ده بيلعب رياضة ويبجري - 00:15:43

فزيع الله! طب ما تيجي نحضر له درسه بقى. اوجد قاسم مشترك ما بينه وبين المجتمع. في علم الانساب. قاسم مشترك ما بينه وبين الشباب تعلم الرياضة. قاسم مشترك ما بينه وبين شعراء الدولة العباسية اللي كانوا ملأوا الدنيا فجور. زي الوقت الافلام الاباحية كده والعياز بالله. قاسم مشترك بان هو - 00:16:03

فاهم اللي بيروحوا له عشان يتعلموا منه الشعر. ويتعلموا منه الفن. مش كان بيعلم القرآن والسنة بس. انسان غير امة. انسان سامع ربنا الهمه ازاى يغير امه انت بتعمل ايه؟ ده احنا اللي بيقعد في دراسته منكم يذاكر شوية يقول لك خلاص انا ما عدتش فاضي اعمل حاجة في حياتي. يا ابني - 00:16:23

انت تقدر تعمل حاجات كتير جدا. انت تقدر تنجح. احنا اللي طالعين في زمن بيعلمونا فيه الفشل. وبيعلمونا فيه ان انت ما تقدرش. انت تقدر كل ده الامام الشافعي كان عنده كم سنة؟ تمتاشر سنة. رجع من هزايل شيوخ الحرم قالوا له بص بقى انت دلوقتي عندك تمتاشر سنة بس امام. اقعد افتي في - 00:16:43

الحرم المكي معنا. لو انت اتعرض عليك العرض ده وانت عندك تمتاشر سنة تعمل ايه؟ تبقى من شيوخ الحرم تعمل ايه؟ رجع لامه بيقولوا لي في الحرم قالت له لا يمكن. ده على جستي تفتي في مين؟ انت خدت علم الامام مالك؟ قال لها لا. قالت له خدت علم ابي حنيفة؟ قال لها لا. قالت له - 00:17:03

السافر الاول للامام مالك وابو حنيفة. سافر تيسر له السفر امه رهنه البيت اللي حيلتها. وجاب الموطأ بتاع الامام مالك وحفزه في خمستاشر وقام طالع على المدينة المنورة للامام مالك وقعد قلب الدنيا لحد ما الامام مالك رضي يقبله تلميز عنده. قعد تسع سنين عند الامام - 00:17:23

من عشرين سنة لتسعة وعشرين سنة تلميز عند الامام مالك لحد ما اتعلم كل فقه وعلم الامام مالك وعنده تسعة وعشرين سنة امام مالك بقى فرحان بانجب تلميز عنده انجب تلميز قال له انا عايز اروح اطلب علم الامام ابو حنيفة. ايه؟ طبعا الصراع ما بين المدرسة المالكية والمدرسة - 00:17:43

حد فاهم في الوقت ده كانت نار الامام مالك والامام ابو حنيفة علاقتهم قوية جدا. الامام ابو حنيفة كان مات في الوقت ده شفاه كان هيروح لمحمد ابن الحسن لتلازمة ابو حنيفة بقى ياخذ الفقهاء - 00:18:03

الحنفي فالصراع كالتاري ما بين بتوع تلازمة الامام مالك بيقولوا على تلازمة الامام ابو حنيفة دول شوية ناس ماشيين في الدين بدماعهم وشوية ناس قاعدين اوعوا كلام بدون دليل ويصححوا الاحاديث الضعيفة. بدعاء الامام ابو حنيفة تلازمته بيقولوا على تلازمة الامام مالك. دول شوية ناس ما بي فهموش غير زاهر النص - 00:18:13

وما لهمش اي علاقة بقياس النصوص وفهم النصوص وعمق النصوص. يا عم ده ناس ما عندها ما فتخيل بقى راح للامام مالك يقول لها مش هاقعد جنبه امال رايح فين؟ رايح اتعلم فقه المدرسة الثانية. اللي بينها وبين مدرستك بعض الخلافات الكبيرة. يعني ايه؟ عند نزر الناس. قال له طيب ماشي - 00:18:33

الامام مالك وافق. قال له بس انا معييش فلوس اروح. مين اللي مول رحلة الامام الشافعي عشان يتعلم الفقه الحنفي؟ الامام مالك عشان تعرفوا القائمة دول بقوا ائمة لنفسيات نضيقة - 00:18:53

رايح ياخذ الفقه الحنفي ويسيبه هو اللي ادى له الفلوس اللي يروح يتعلم بها الفوق الحنفي. الامام مالك هو اللي مول رحلة الامام الشافعي لتعلم الفقه الحنفي. هو اللي اداها الفلوس. نفسيات نضيقة. دول اللي ربنا يفتح عليهم مش الخيرة اللي بينا وبين بعض. والحمد للي بينا وبين بعض. والنفسنة - 00:19:07

اللي بينا وبين بعض والانا والتكبر والسيطرة وحب التحكم. في ايه؟ راح الامام الشافعي حيث بدأ يتعلم شوية من محمد ابن الحسن. شوية كده وقال لأ ده القصة طلعت كبيرة. كنت باحسب الفقه الحنفي هيتلم بسرعة. ده ليلة. ده عايز كذا سنة. طب - [00:19:27](#)

اعمل ايه؟ انا ما عيش فلوس ما عيش فلوس اكمل الفلوس بتاعة الامام مالك خلصت. والخمسين دينار اللي يعني كانوا معه في الوقت ده حوالي خمسين الف جنيه او مية الف جنيه في الوقت ده - [00:19:47](#)

خلصوا مش نافعة. طب اعمل ايه؟ هسافر اليمن اشتغل هناك. في هناك شغل حلو رجالة. مين اللي قال لك ان الدين ان يبقى شنبك في وش وشك وانت عوضني ده مش دين ده ضلال - [00:19:57](#)

ده ضلال ان شنبه في وشه في سانوي ولا في تالته اعدادي ولا في اولى جامعة وبيمد ايده يا بابا هات لي المصروف يا بابا ده عار. عار ان ده في ده مش في ديننا. ائمة الامة كلها كانوا بيتسموا باسماء المهن. تخيل لما العالم يتسمى من اكبر - [00:20:11](#)

علماء الامة في العقيدة الا الكائي. يعني ايه الا الكائي عارفين اللوالك؟ اللوكلك اللي بلبسه في الرجلين اللي هو الخف اللي بينزل رجليه. كان بيصنع آا الامام احمد بن حنبل، يحيى بن معين كان مليونير. وهم - [00:20:31](#)

في اليمن مع بعض في طلب العلم عرض على الامام احمد وكان لسة بقى ما يبقاش الامام احمد. عرض عليه ان هو يصرف عليه. رفض كان بيعمل الاساتيك بتاعة البناتيل - [00:20:44](#)

بابا احمد كان بيعمل اساتيج بتاعة البناتيل عشان يصرف على نفسه في طلب العلم حمزة الزيات الشيخ نادر طبعا عارفه من من القراء العشرة. من القراء الامام حمزة اسمه حمزة الابه - [00:20:54](#)

الزيات كان بيتاجر في الزيت. الامام الذهبي الامام الوراق. يا ابني كان اسماء الائمة فسلمان الفارسي. تعال نرجع للصحابة بقى. كما قال سلف او كان السلف ينسبون كلامهم الى الصحابة ليعلوا اسنادهم. تعالوا نشوف سلمان الفارسي لما بقى امير فارس. اللي سب - [00:21:07](#)

فارس في يوم من الايام عشان ساب حطة قرية عشان يجري يدور على النبي عليه الصلاة والسلام. لما لقي النبي بقى امير بلاد فارس كلها في يوم من الايام. من ترك شيئا - [00:21:27](#)

عوضه الله خيرا منه. البنت اللي انت بتعلق بها المعصية اللي انت متعلق بها. لو انت سبتها عشان ربنا اللي ربنا هيده لك الام اضعافها من المتعة في الدنيا قبل الآخرة. عمل ربنا واكسب. سلمان سببه شوية فلوس وحطة قرية صغيرة. قعد يدور على النبي عليه الصلاة والسلام - [00:21:37](#)

رجع فارس امير على بلاد فارس كلها. لما مسك بلاد فارس الدولة بتدي له مرتب محترم. ما رضاش. عارفين يشتغل ايه؟ يشتغل خواص يعمل الخوص. رفض انه ياكل من غير عمل ايد. امير المدينة مين امير المدينة؟ مين امير المدينة بعد موت النبي عليه الصلاة والسلام؟ ابو هريرة كان شغال - [00:21:57](#)

شغال شغال. امير المدينة يجري في السوق شايف شوالين الدقيق. وسعوا وسعوا بيكسب. هو شغال شغال امير المدينة اللي بكلمة منه ده يتسجن وده يروح وده يطرد وده يبجي. ويبشتغل من عمل ايديه. انا بعرف المهنة دي! هو الشغل عيب! الانبياء - [00:22:17](#)

كلهم كانوا شغالين. كل الانبياء كانوا اصحاب مال الشغل مش عيب. الامام الشافعي قرر يروح اليمن عشان يحصل فلوس يقدر يقعد كذا يطلب علم بقى ايه مش محتاج يشتغل بعدها. يروح اليمن عشان يقدر يرجع فين؟ عشان يرجع فين؟ العراق. يتعلم الفقه الحنفي. يروح اليمن يلاقي هناك بقى علماء - [00:22:37](#)

الشيعة بقى كانوا كتير هناك وكده. يبدأ بقى يفهم الفقه الشيعي ويقعد ويسمع منهم. هو كان مشغول جدا بقضية ازاي يوحد الامة. ازاي يوم ما يشتغل يوحد الامة يرد على اهل الشبهات واهل المشاكل الشرعية. وهو شغال فكان بيفتي للناس ان فيه حاجات الدولة العباسية بتعملها زلم. حاكم اليمن يقرر ان - [00:22:57](#)

في عشرة بيفتوا فتاوى سياسية ضد هارون الرشيد بيعت لهارون الرشيد يقول له ابعتهم لي. ابعتهم لي بس كل سنة وانت طيب. زمان ابعتهم لي دي يعني ابعتهم لي يعني - [00:23:17](#)

بعت له العشرة منهم الامام الشافعي. دول اللي بيفتوا فتاوى ضد الدولة. هارون الرشيد دبح تسعة. تسعة مع اول اسئلة طير رقبته. دخل الصفح العاشر الشافعي داخل طبعا يعني ايه هو فبدأ فبدأ هارون الرشيد يقول له انت زلت كزا القصة كلها عندنا بقى مين - [00:23:27](#)

اللي كان قاعد جنب هارون الرشيد الشيخ الكبير اوي اوي اوي بتاع هارون الرشيد محمد ابن الحسن. اللي الشافعي قبل رحلة اليمن راح له طلب على شوية وبعد كده رجع لليمن. محمد الحسن قال له يا امير المؤمنين ذلك الرجل سيكون اعلم اهل الامة. هارون الرشيد القصة طلبت - [00:23:47](#)

تماما بدل ما يموته ادى له خمسين الف دينار. عارف يعني ايه خمسين الف دينار؟ خمسين الف ملايين. يعني ملايين كده. حاجة ملايين. اول مرة كان الامام الشافعي عنده اربعة وتلاتين سنة في الوقت ده. اللي وداه العراق ربنا. هو قعد يودي يحصل فلوس مش عارف يحصل. اللي وداه العراق عشان - [00:24:07](#)

الحنفي ربنا سبحانه وتعالى خد خمسين الف دينار بعت لاهه واهه كاتباه ست كبيرة بقى في الوقت ده اول مرة امه بقى تعيش في بيت ملك تاني. بعد ما راهنت البيت في طلب العلم - [00:24:27](#)

اتجوز اول مرة مراته الوحيدة وهو عنده اربعة وتلاتين سنة. اللي خلف منها ولدين. فده كان اول مرة الامام الشافعي يمسك فلوس في ايده. وبدأ قعد معهم لحد ما بقى عنده ستة وتلاتين سنة يطلب الفقه الحنفي. وكده الامام الشافعي خلص. رجع على مكة. رجع على مكة. نسيت اقول لكم ان هو - [00:24:37](#)

هو وهو رايح اليمن رجع الاول على الامام مالك وهو عنده تسعة وعشرين سنة. فالامام مالك لما شاف العلم بتاعه وصل للدرجة دي عرض عليه عرض تاريخي. اول عرض تاريخي على الامام الشافعي كان - [00:24:57](#)

حد فاكر اول عرض تاريخي اتعرض عليه وعنده كم سنة؟ هو عنده تمتاشر سنة يتعرض عليه ايه؟ انه يبقى مفتي من مفتري الشيخ من شيوخ الحرم ورفض. وعنده تسعة وعشرين سنة - [00:25:07](#)

عرض عليه عرض لا يملك انسان نفسه قدامه. امام ما لك لما لقوا علمه وصل للدرجة دي عرض عليه انه يجلس بجانبه يفتي الناس يا جماعة يعني قال له تعال انا وانت نبقي شركاء في المذهب المالكي. تعال يبقا انا وانت مؤسسين المذهب ده. تعال عرض تعدد - [00:25:18](#)

وعشرين سنة فرفض. ما هو احنا بنتعلم من بعض بس مش بندوم في بعض. وقيمتنا ان احنا نكمل بعض. وبدأ يكمل رحلته. المهم مهندس وتلاتين سنة رجع الحرم المكي. طبعا كان وصل لدرجة علمية رهيبة. اول مرة قعد يفتي قعد على الكرسي الذي لم يجلس عليه في تاريخ الاسلام - [00:25:38](#)

لعبدالله بن عباس قعد من وهو عنده ستة وتلاتين سنة اللي هو عنده خمسة واربعين سنة في مكة يفتي الناس ويعلم الناس ويألف ما بين قلوب اهل مكة وما بين قلوب - [00:25:58](#)

اهل العراق ويدوهم انطباعات جميلة بقى عن اهل العراق. ويزيل الصورة الزهنية ان بتوع العراق دول شياطين وناس مش ما بيتبعوش قال الله وقال الرسول ويقعد يحبب الدنيا في بعض في التسع سنين دول قال لي في كتاب الرسالة اللي العالم كله مبهور به لحد دلوقتي. اللي وضع فيه علم اصول الفقه اللي لحد دلوقتي الامة الاسلامية كلها - [00:26:08](#)

عليه. ماشية على ازاى يتعامل مع القرآن والسنة تعامل سليم وهو عنده خمسة واربعين سنة يحس انه خلص الرسالة بتاعته في مكة يطالع تاني على العراق بس مش عشان المرة دي مش عشان يتعلم عشان يعلم اهل العراق ويقرب النفسية بتاعة اهل العراق مع اهل الحجاز - [00:26:28](#)

يقعد خمس سنين ويؤدي الرسالة بتاعته ويضع الفقه الشافعي والكرة الارضية كلها تقصده من العالم كله يروحوا له العراق عشان يتعلموا على ايده الفقه الشافعي. وهو عنده خمسين سنة يقول خلاص. خلصنا العراق. لسه ايه؟ قال ما عايش غير بلدين. مصر والهند يقرر وهو عنده خمسين سنة - [00:26:48](#)

انه يروح ينشر العلم بتاعه وينشر رسالة التآلف في الامة في مصر. ويجي مصر وهو عنده خمسين سنة. يجي مصر يفاجأ ان العالم كله كوم ومصر دي كوم. اول ما يلاقي الفتاوى بتاعة المصريين دول ده انا لو فاتيت بالفقه الشافعي بتاعي في العراق - [00:27:08](#)

ده انا هودي البلد دي في داهية. ده انا هخرب البلد دي. ده ده ده بلد عمري ما شفت زيتها. ويقرر الامام الشافعي قرار تاريخي. يقرر الامام الشافعي ان يترك المذهب الشافعي. يقرر الامام الشافعي ان يترك المذهب الشافعي. ويغير الفقه بتاعه كله - [00:27:28](#)

ويغير الاف الفتاوى بتاعته ما عدا عشرين فتوى بس هي اللي فايضة. الامام الشافعي قاعد لقي واحد داخل له ايه؟ انا قلت لمراتي علي الطلاق بالتلاثة. علي الطلاق بالتلاثة. تبقي طالق. وتبقي مش عارف ايه. والطلاق لو خرجت رحت - [00:27:48](#)

صورة مامتك. طب وبعدين راحت زارت مامتها ورجعت وانا بقى كنت باتعصب فخلاص بقى عادي بقى وبعدها مراتي حملت في خمس عيال يا راجل ده انا الفتوى بتاعتي ان علي الطلاق بالتلاثة دي في العراق يبقى مراتك خلاص هي من سكة وانت من سكة. ثلاث طلقات بتوع بتوع اكراحهم وانت ضيعتهم. شوية دخل واحد ثاني - [00:28:08](#)

فتوتك مراتي قلت لها علي الطلاق بالتلاثة. ما انت طابخة النهاردة فراخ وطبخة فراخ. شوية دخل واحد ثاني. فتوتك ايه؟ علي الطلاق بالتلاثة ثلاثة لنت جاي ومتغدى عندي. ايه يا عم في ايه! هو انتم عندكم علي الطلاق بالتلاثة دي! زي صباح الخير كده! فالامام الشافعي غير الفتوى بتاعته - [00:28:28](#)

بعد ما كانت علي الطلاق بالتلاثة يعني الثلاث طلقات راحوا في العراق قال لك لأ المصريين ما ينفعش معهم الكلام ده. علي الطلاق بالتلاثة طلبة. هي والا ستات مصر كلها تبات في الشارع. فبدأ يغير الفقه بتاعه كله. ودي عبقرية الناس - [00:28:48](#)

الناجحة في الحياة. انه عنده مرونة مش دماغه دي حجر. انه بيتكيف مع الواقع. انه انسان مرن. انه انسان باحتياجات وتطورات الحياة مش واقف مكانه. مش محلك سر. غير كل مذهبه. ترك الامام الشافعي الشافعية العراقية. واوجد - [00:29:08](#)

حاجة جديدة اللي هي الشفاه الابه؟ شفاه المصرية. عشان كده يقول لك الشافعي قال كزا في القديم وقال كزا في الابه؟ في الجديد اربع سنين قاعد في مصر يألف ما بين قلوب - [00:29:28](#)

العاملين لدين الله في مصر والعلماء لدرجة وهو بيموت لما جه عنده اربعة وخمسين سنة كان وصل لدرجة صحية رهيبة وبقي عنده امراض كتير جدا فكان بيقول اقرب تلاميزه او اكبر تلاميزه بيقول له لم يبق الا الهند. انا عايز اسافر الهند. فطبعاً كان خلاص صحيا ما عدش يقدر اصلا يخرج برة - [00:29:38](#)

مصر ويموت الامام الشافعي وهو عنده اربعة وخمسين سنة. يعني بعد على فراش الموت يقول لواحد من تلامذته اذهب الى فلان المالكي. فلان اللي علم الكيمياء وقل له ان الشافعي يسألك في مسألة كزا. قال له يا انت بتموت! هو انت بتموت! بيتألف وبيوحد الصف - [00:29:58](#)

هو بيموت بيحتضر ومشغول بقضية التأليف ما بين المذاهب. والتأليف ما بين الامة وبعضها. هو مش محتاج يسأله في حاجة. ده هو بيقول له ذلك الف لقلبه. بيقول له ده ده هيخليه يحب اكثر وتقرب من بعض اكثر ونحبه. وهو بيموت. وبيموت. ومن العجائب - [00:30:18](#)

ان الشافعي مات ليلة النصف من شعبان. ليلة النصف من شعبان اللي الشيخ الالباني صحح ثلاث اسانيد ان الله يطلع الى اهل الارض فيها فيغفر لاهل الارض جميعا الا لمشرك او مشاحن. عشان كده دايماً الليلة دي بنسبها ليلة وحدة الامة. الليلة اللي دايماً لو انت سمعت بقى دروس الدعاء بقى في القنوات - [00:30:38](#)

الاسلامية ولا يقول لك اتصل بقرايبك. صالح اللي انت مخاصمه. لو بينك وبين اي حد مشكلة تحرم من مغفرة ليلة النصف من شعبان. بسبب المشكلة اوصل الناس صالح الناس وتلاقي الناس بقى قاعدة قلقانة قبلها. يعني انا اتحرم من ده عندنا في المنصورة ما اعرفش عندكم بقى الدنيا ايه ده في المنصورة تلاقي الناس - [00:30:58](#)

صعوبة. ليه؟ لان بفضل الله دعاء المنصورة بيتكلموا في النقطة دي كل سنة كتير. فبقى الناس عندها وعي في قضية ليلة النصف من شعبان. الا اللي مشرك او مشاحن يبقى لازم ما ابقاش - [00:31:18](#)

شاحن حد لازم اصفي كل خلافتي قبل اختار الله للامام الشافعي الذي عاش حياته. يوحد صف الامة يختار له تلك الليلة هي ليلة الوحدة ليلة وحدة الامة من اجل ايه يصطفي الله سبحانه وتعالى هذه الامام الشافعي ان يموت في هذه ايه. انا بحكي لكم قصة الشافعي. كل اللي فات ده مقدمة يا رجالة - [00:31:28](#)

كل اللي فات ده احنا داخلين في الايه مقدمة بتاعة الدرس. انا بحكي لكم قصة الامام الشافعي ليه؟ باحكي لكم قصة الامام الشافعي عشان اقول لكم هل سبب نجاح الامام الشافعي بس - [00:31:48](#)

هو العلم بتاعه؟ ولا لما اتعلم وعلم شعراء وفنان الدولة العباسية؟ الاصمعي مرة بيقول الاصمعي اللي هو التلميز الشافعي اللي بقى شيخ خروف الرشيد بيقول لي هانن الرشيد زهبت لرجل يقال له الشافعي لاتعلم منه الشعر فعلمني القرآن مع الشعر - [00:31:58](#) فعلمني ايه؟ القرآن. هو دلوقتي تخيل بقى لو اهل الدنيا بيحوا لنا يتعلموا منا الدنيا فنعلم لهم الدين والدنيا مع بعض فالاصمعي لما بقى شيخ هارون الرشيد علمه بس الشعر البايز بتاع العباسيين ولا علمه الدين كمان؟ فانت انت ازاي - [00:32:18](#) تغير في الحياة. الامام الشافعي اللي اتعلم رياضة. اللي الف عشرات الكتب كان من كتاب عن الرياضة. وعن قيمة الرياضة في الدين وفي الاسلام. الامام الشافعي يا اخوانا زي ما قال في كتاب الام وكتاب الرسالة والكلام الفقهي كان بيقرب في الرياضة. الامام الشافعي رحمه الله يا اخوانا نموزج ان احنا عايزين نتغير. ان انت عشان تنجح - [00:32:38](#)

محتاج تغير حاجات كتير جواك. حاجات في شخصيتك. حاجات في نفسك. حاجات في اصرارك وسباتك. حاجات في انك تعرف انت عايز ايه الامام الشافعي من وهو طفل كان عارف هو عايز ايه. من وهو طفل محدد لنفسه هدف وماشي فيه. نرجع تاني للاية اللي احنا بدأنا بها لو - [00:32:58](#)

ارجو فيكم ما نزلوا. ليه احنا قيمتنا صفر؟ ليه احنا مش عارفين نضيف؟ مش عارفين نغير اللهم انبعثهم فثبطهم ليه؟ لو خرجوا فيكم ما زادكم. عشان كده لاحزوا في الايات اللي احنا سمعناها في صلاة المغرب ان معظم صفات المنافقين في الايام - [00:33:18](#) دية ما هياش صفات كفر وانما صفات في شخصيتهم وحشة يعني بداية النفاق ان كان عنده مشاكل في شخصيته اصلا. كان عنده مشاكل في كسله. عشان كده اسمعوا لو تفتكروا بقى الايات اللي الشيخ نادر قراءة - [00:33:38](#)

الركعة الاولى والركعة الثانية ها لما ربنا سبحانه وتعالى بيقول لو كان عرضا قريبا وسفرا قاصدا لا انت مأهوم. لو كان عرضا قريبا النبي عليه الصلاة والسلام لما المنافقين كانوا يهربوا من صلاة العشاء فيقول للصحابه لو كان عظما سميئا وممرتين حسنتين -

[00:33:54](#)

اذا شاهدوا العشاء معنا يعني ايه؟ يعني لو كانوا عارفين ان الدرس بتاع بين المغرب والعشاء ده فيه حنة عضمة كده فيها حنة دهن او فيها شوية كوارع كان كل اللي على القهاوي سابوا القهاوي وجم قعدوا في الدرس عشان الدرس. لأ عشان حنة الكوارع. خدت بالك انت - [00:34:14](#)

انت بقى فالنبي بيتكلم عن دناءة همة بعض الناس. ان هو مش قادر يعلى. لو كان عرضا قريبا يعني دنيا قريبة. خد بالك ده ربنا ما قلش لو كان لو كانت لو كان عرضا ايه؟ قريبا. يعني هو بيحب الدنيا ماشي. يقدر ياخذ ماجستير. ماجستير استغفر الله العظيم. يا عم تف من بقتك. يقدر ياخذ دكتوراه. تلاقي هو - [00:34:34](#)

ابو متقابلين على ناصية الشارع. ايه ياد انت شكلك مغيب اليومين دول! بتزاكر يالا ولا ايه! انا بزاكر! اعوز بالله! ده انا سهران على النت للفجر يا جدع ايه الخيبة دي! بقى ان انا بزاكر كلمة تخلي الشباب يتريقوا على بعض دلوقتي. شوفوا احنا ربنا نزع - [00:34:54](#) العلم من قلوب الامة دي لدرجة ايه؟ بقى اللي بيشفو مصلحته يتريقوا عليه. بقى اللي بيخرج يشتغل في سانوي انت ابوك فقير ولا ايه يالا؟ هو انت عيب يا لا! عيب! ده شرف! النبي عليه الصلاة والسلام بدأ يشتغل من وهو طفل. عليه الصلاة والسلام! ده شرف! ده ديننا! انك تشتغل - [00:35:14](#)

تعرف مصلحتك وتنجح في الدنيا وتنجح في الدين. وتتجاوز بدري انك انت ده دين يا اخوانا. الانسان الناجح ناجح الله يرحمه محمد العدل صاحبي بقى الله يرحمه مستشار محمد العدل كان اقرب صديق لي كنا دايمنا نجري في الدعوة الى الله في كل حنة في مصر.

دعوة الى الله ونشر الدعوة الى الله. الله يرحم - 00:35:34

ومات فجأة وهو شاب يعني مات فجأة آآ كان له كلمة حلوة اوي. كان يقول اللي بي فهم بي فهم في كل حاجة. واللي ما ما بي فهمش ما بي فهمش في اي حاجة. فالنجاح هو حاجة واحدة. النجاح ناجح دنيا ودين. واللي عنده مشاكل عنده مشاكل دنيا - 00:35:54

هو النجاح باكيديج واحدة. حاجة واحدة. النجاح حزمة واحدة. ليه ما تبقاش الحجاج عرضا قريبا ما عندوش علو همة حتى في الدنيا. تحضر اعوذ بالله مش غيرك عارف يعملها؟ ليه ما انتاش عارف تعملها ليه؟ ليه ما انتاش عارف تتفوق في دراستك؟ ليه ما انتاش

عارف تبقى انسان ناجح؟ ليه ما نتاش عارف انت عارف ان انت جواك عيوب - 00:36:14

بتموت جواك وانت عارف ان انت جواك مشاكل. ليه مش بتواجه المشاكل اللي جواك؟ ليه مش عايز تصلح نفسك؟ ليه مش عايز تغير حياتك؟ ليه مش عايز تبقى انسان بجد لك قيمة في الدنيا وفي الدين. لو كان عرضا قريبا وسفرا وسفرا قاصدا برضه في الدين ممكن مستعد بس برضه حاجة سهلة - 00:36:36

ما عندوش علو همة. تيجي تقول له يلا نحفز القرآن ايه! يلا نطلب علم ايه! ايه يا عم في ايه! هو انت ما تعرفش تعمل غير الحاجات البسيطة وخلص! هو انت ما عندكش طول نفس في حاجة - 00:36:56

لا اتبعك ولكن بعدت عليهم الشقة الشقة هي الامور التي فيها مشقة. اي حاجة صعبة لأ. خط احمر. انا ما بشتغلش غير في خلاص خليك كده. ومن يتيهب صعود الجبال يعيش ابد الدهر. بين الحفر. خليك وسط الديدان بقى. خليك عايش ولا حد داري بحياتك. ولا

حد داري بموتك - 00:37:06

ليه ما نطلعش؟ فشوفوا ربنا سبحانه وتعالى يقول لا يستأذنك الذين يؤمنون. في الايات اللي سمعناها لا يستأذنك الذين ايه؟ المؤمن مش في بتاع اعزار. المؤمن مش خلعتجي من الاخر كده. المؤمن مش بتاع خلع لا يستأذنك. المؤمن ما بياخدش اجازة مرضية -

00:37:26

ولا اجازة تحسين دخل ولا اجازة شهر غسل. ايه يا عم بس بالراحة علينا. حنظلة رضي الله عنه وارضاه. كانت دخلته ليلة غزوة احد عريس لسة عريس لج. عريس طازة. الصبحية بتاعته بدل ما ياكل حلة الاتفاق خرج مع النبي عليه الصلاة والسلام بيقاقل في احد

استشهد - 00:37:46

ما قالش للنبي انا لسة عريس جديد بقى يا رسول الله واجازة شهر غسل شهر العسل بتاعي ان انا انصر دين ربنا وانا بتجوز ايه المشكلة؟ ما كانش سيدنا علي بن ابي طالب في غزوة خيبر كان مريض عينيه مريضة لدرجة ان هو كان نايم في الارض. تخيل بقى

زمان مش زي الوقتي. قطرات ومراهم ومضادات حيوية. عنيل - 00:38:06

ذهبت وكان مهدد بالعمل لدرجة انه نايم بارك في الارض. النبي عليه الصلاة والسلام خرج في غزوة خيبر يقاتل اليهود. فقال في صحيح البخاري انا اتغفل خلفه عن رسول الله لا يمكن. انا النبي عليه الصلاة والسلام يبقى بيجاهد وانا نايم هنا شالوه شالوه اربعة

كده شالوه في الطريق - 00:38:26

عشان يروح مش يقاتل مع النبي عليه الصلاة والسلام في خير. يبقى جسة بس قاعد كده ما بيقاش غاب عن النبي عليه الصلاة

والسلام في خيبر. متخيل! اجاز مرض يا علي بن ابي طالب ده عادي يعني في - 00:38:46

الحكومية اتنين وعشرين يوم مش عارف مرضي في السنة واربعين يوم عارضة وتلاتين يوم والله ما انا عارف اومال هيشغل امتي. يعني تيجي تشوف عدد الاجازات غير الاجازات الرسمية وغير الاجازات اللي مش عارف ايه غير انك انت بقى لو بلغت انك انت

مريض. وبعد كده رحت الكومسيون الامام ابن خلدون عارفين ابن خلدون؟ عارفينه - 00:38:56

عمل كتاب مهم كده حد يعرف يقول لي اسمه مقدمة طب المقدمة دي مقدمة ايه؟ مقدمة كتاب. اللي هيعرف يقول لي اسم الكتاب له خمسمية جنيه الموطأ مين يا شيخ؟ مطأ ده بتاع الامام مالك وابن ابي زنب اللي هيعرف يقول لي اسم الكتاب اللي المقدمة بتاعته

مشهورة - 00:39:16

ابن خلدون كان لينين عارفين لينين الكافر بتاع روسيا حاكم الاتحاد السوفيتي ايام الشيوعية. كان يقول اما خرج من هذه الامة رجل

مسلم ابن خلدون ما فيش حد عرف يخرج من الناس دي ثاني زي ابن خلدون. ابن خلدون ده عند الغرب اسطورة. ابن خلدون ده كان فقيه من علماء الامة. ابن - 00:39:36

خلدون ده فضل القاضي الشرعي بتاع مصر خمسة وعشرين سنة. كان فقيه مالكي. احنا مش عارفين تاريخنا يا جماعة. ما انا بقول لكم مين الناجح اهو راجل اهو مؤسس علم الاجتماع اللي الغرب خد منه علم الاجتماع. وفقيه مالكي وكان فقيه مصر خمسة وعشرين سنة. يعني هو الدين فيه تعارض بينه وبين الدنيا - 00:39:56

الناجح ناجح في كله. واللي عايز بقى يجري من القهوة اللي يكلم بنت يشات مع بنت على على الفيس ليروح يشيت ولا يهق على الواتس ويروح صحبة اللي عايز يعيش الحياة دي هو حر. بس هتموت وانت ما عملتش اي حاجة في حياتك. في حين ان انت استمتع زي ما انت عايز بس جوة دينك. تنجح - 00:40:16

افتح دنيا وتنجح دين. النبي عليه الصلاة والسلام يقول احرص على ما ينفعك. ابن خلدون كان له آ كلمة جميلة جدا جدا في المقدمة بتاعته. هو طبعا ما حدش قال - 00:40:36

اسم الكتاب اهو اسم الكتاب ثلاث تسطر كده. لأ مدينة فضيلة مين يا شيخ بس؟ اقول لي اسمه. قل لي اسمه ما شاء الله اللهم بارك انت جدد ومفروض تاخذ خمسين جنيه من الخمسمية. هو قال العبر. ها؟ في ديوان - 00:40:46

وديوان المبتدأ والخبر. في تاريخ العرب والعجم والبربر. ها؟ كمل شف العبر دي كم حرف يا شيخ من الكتاب بتاعه عنوانه فالمقدمة بتاع ابن خلدون مقدمة دي حاجة كده كراسة كده في - 00:41:06

في الامم بتقوم ليه؟ والامم بتقع ليه؟ لو عايز تعرف مشاكل مصر سببها ايه؟ اقرا مقدمة ابن خلدون. لو عايز تعرف مشاكل الامة العربية سببها ايه؟ اقرا القرآن. لو عايز تعرف امريكا تقدم - 00:41:26

قامت ليه اقرا مقدمة ابن خلدون. دي اللي بتقول لك ليه في مجتمعات بتنجح ومجتمعات بتفشل؟ فابن خلدون كان بيقول كلمة خطيرة جدا. بيقول لك نجاح وسروة كل دولة او كل بلد على قدر الرجال الذين يحبون العمل فيها. احنا عندنا في مصر هنا يدخل يمضي الساعة آ تسعة - 00:41:36

قاعد يشرب الشاي ساعة ويفطر ساعتين ويتكلم في التليفون ثلاث ساعات وبعد كده يخلع يقول لك انا رايح اصلي الظهر يقعد يصلي الظهر ساعة ونص ولما يرجع الناس يقول له حرام عليك مصالحنا حرام عليكم بلاش نفطر. احنا طالع روحنا طول اليوم وبعد كده يمضي قبل الامضاء بساعة ولا ايام الانصراف ويقوم ماشي. هو ده ده - 00:41:56

ده في بلد تتقدم بالمنزل ده؟ قال لك نجاح كل بلد على قدر الرجال الذين فيها الذين يحبون العمل. مين اللي بيحبوا انهم يشتغلوا؟ كم طالب في الجامعة نفسه يزاكر. كم واحد في الدنيا عايز يشتغل؟ هو ده قيمة النجاح. فابن خلدون كان آ يعني له هزه الكلمة. آ كنا بنقول الكلام - 00:42:16

بمناسبة ايه بقى؟ ها؟ مين اللي مركز؟ ايه اللي دخلني في ابن خلدون؟ ايه اللي دخلني في العبر وديوان المبتدأ خبر في تاريخ العرب والعجم والبربر. ها لما كنا بنتكلم عن لا يستأذنك الذين يؤمنون - 00:42:36

وان هو الصحابة ما كانوا يباعدوا اجازة مرضي زي علي بن ابي طالب في خيبر. ولا اجازة شهر غسل زي سيدنا حنظلة يوم احد. ولا اجازة تحسين ده الصحابة كانوا - 00:42:56

مشغلين للدين وهم شغالين للدنيا. فربنا بيقول انما يستأذنك الذين لا يؤمنون بالله واليوم الآخر. هم دول الخلعية. آ تيجي معي درس والله اصل انا اصل انا عندي مذاكرة. تقابل شاب في الشارع. تيجي نصلي العشاء في الجامع. آ اصل انا في سانونية عامة - 00:43:06

اخلع وخلص. اخلق في حين ان هو لو آ اتصل به الاخ توتو قال له ده فيه ماتش كورة! كورة! الله اكبر! سيب كل حاجة واجري! ويا سلام لو مش الاخ توتو. انت فين؟ انا في المريخ. نص ساعة وابقى في المريخ. هو احنا - 00:43:26

هو انا انما عم الحاج جه وقفه في الشارع يا ابني تعال صل في الجامع. والله يا حاج اصل انا ده انا عندي سبعين مشكلة. انما

والله ان شاء الله اوعدك باذن الله سبحانه وتعالى انني يوما ما ساصلي في بيت الله سبحانه وتعالى. فمشكلة يا اخواننا لا يستأذنك الذين يؤمنون بالله واليوم الآخر. ما بيخلعوش من الدين - [00:43:46](#)

ما بيهربوش من ربنا. ان يجاهدوا باموالهم انما يستأذنك الذين لا يؤمنون بالله واليوم الآخر ثابت ان يجاهدوا باموالهم وانفسهم وارتابت قلوبهم فهم في ريبهم يترددون. وارتابك شاكك هو مش مصدق - [00:44:06](#)

هو من جوة عنده شكوك. شكوك بقى ان ربنا يهديه. شكوك بقى في دينه طب ما تقرب عشان تعرف. بتقرب عشان توقن. فهم في قريبتهم ايه يترددون ربنا وصف المنافقين انهم ناس مترددة. انهم ناس ما بتعرفش تاخذ قرار. ناس بتقدم رجل وبتأخر رجل. ناس يوم حلو ويوم - [00:44:26](#)

ناس مزبزة. ناس ما بتعرفش تاخذ قرار حاسم في دنيا ولا في دين. هم عايشينها كده خلاص. فهم في ريبهم يترددون. اوعى تبقى انسان متردد. اوعى تبقى انسان ما انتاش عارف طريقك. اوعى الصفات اللي انا قلتها دي كفر. معزمها صفات - [00:44:46](#)

ان هو شخصيته وحشة. ان هو انسان عايز يعيش في صورة مزيفة. عايز الناس كلها تحبه ويتقال لها ان هو الواد الكل الواد التنين الواد الآخر حاجة. الواد ما حصلش ومش عايز يتعب عشان يبقى ناجح. فاضطر ان هو يستعمل دهن الهوا دوكو والفهلوة عشان ينجح مش عشان ينجح عشان - [00:45:06](#)

يحافظ على الصورة المزيفة. عشان كده اخر آية كانت بتقرأ او الآية اللي بعدها على طول. ومنهم من يقول ائذن لي. ولا تفتني ايه قصة ائذن لي ولا تفتني؟ النبي عليه الصلاة والسلام طالع يقاتل الروم في تبوك. والامبراطورية الرومانية العالمية بتحشد ضد الاسلام ولازم نطلع. فالنبي جاب واحد كده من رجالة المنافقين - [00:45:26](#)

فين المالطي مليونيرات اسمه الجد ابن قيس. قال له يا جد هل لك في قتال بني الاصفر؟ ايه رأيك بقى الطلعة الجاية جامدة اوي. ده احنا مش طالعين نفتح مكة - [00:45:46](#)

طالعين على مستوطنات اليهود في خيبر. ده احنا طالعين للامبراطورية الرومانية. فهو الثاني عايز يخلع! يا نهار اسود! اه والله ده حاجة جميلة قوي يا بس يعني اخلع ازاى بقى؟ فقال له يا رسول الله انك تعلم مدى حبي للنساء. انت عارف ان انا ما اقدرش امسك نفسي قبل - [00:45:56](#)

فتنة النساء حب الستات قد ايه واني اخشى شف بقى كلكم هتعيطوا دلوقتي ان الايمان بتاع الجد ابن قيس. كلكم هتتأسروا جدا بالخشوع والتقوى بتاعته واني اخشى ان رأيت نساء بني الاصفر يا اخي ده ستات الروم بقى العينين صفراء والشعر الاخضر والبداية - [00:46:16](#)

اللهم يعني ده الستات الروم ما انا ما اقدرش واني اخشى ان رأيت نساء بني الاصفر ان افتن في ديني. يا ولا! يا سلام الخشوع يا جدع. ده بص بقى كم ده ودي! حاجة هو هو نصاب - [00:46:36](#)

هو عايز يحط صورة مزيفة حوالين ان هو بطل وشجاع ومتدين ومؤمن. وجت بقى قدومه زنقة. طب يلا اطلع جاهد بقى عمو الشجاع وربنا نفسك يقوم عشان يحافظ على الصورة المزيفة يقوم ضارب الدين بالدين. ائذن لي ان انا اسيب الجهاد - [00:46:56](#)

ايه ولا تفتني اصل انا خايف على ديني. هو انت ما بتصليش الفجر في الجامع ليه؟ هو انت ما بتحفظش قرآن ليه؟ هو انت ما بتحضرش الدروس اللي في المسجد ليه؟ معقولة يقول اصل انا يعني الدنيا شغلاني لا لا لازم لازم يجيب حاجة شيك. لازم يجيب حاجة شكلها حلو. في حين لو جه اي دنيا طلبته - [00:47:16](#)

يجري عليها. فهو ده ائذن لي ولا تفتني الا في الفتنة سقطوا انهيار وان جهنم لمحيطه بالكافرين الانسان اللي بيخلع من ربنا ده ده عند ربنا ايه؟ وان يا رب انت بتتكلم عن جهنم هنا ليه؟ ده واحد مش طالع بس غزوة - [00:47:37](#)

ان بينه وبينها شعرة الانسان كسلات المنافق الخلنجي ده بينه وبين انه يودي دينته واخرته في داهية شرف. النبي الرسول عليه الصلاة والسلام كان قاعد في درس زي الدروس دي كده قاعد في المسجد في الحرم المدني نسأل الله ان ييسر لنا سبيلنا الى مكة والمدينة يا رب. اللهم امين يا رب. فضلي - [00:47:57](#)

وكرمه. فالنبي عليه الصلاة والسلام قاعد بيدي الدرس فجه ثلاثة. ثلاثة جايين يحضروا الدرس بتاع بعد العصر كده. فالتلاثة بصوا كده. فواحد بص كده لقي الدنيا زحمة. زحمة بس انا ما قدرش ما اسمعش للنبي عليه الصلاة والسلام. قعد يتزخنق واعمل لحد ما لقي حنة قريبة من النبي وقام قاعد. ها الثاني بص كده - [00:48:17](#)

انا مكسوف يا عم انت جاي متأخر وكمان هتزنق الناس! قام قاعد ورا. التالت بص كده الدنيا حر. والنبي موجود كل يوم عليه الصلاة والسلام. يا هو اللي هيتقال النهاردة يتقال بكرة. عارف اما تيجي تقول لواحد صاحبك ولا حد من اخواتك ده فيه درس في الجامع يعني هيقولوا ايه؟ ما احنا عارفين كل حاجة. انت تعال يا عم اما اقول لك انا - [00:48:37](#)

الكلام اللي هو هيقوله لك في الجامع وانا مشغول وقام ماشي. النبي عليه الصلاة والسلام لقط الموقف فوراً. ما ضيعهاش قال للصحابة الا انبئكم بخبر السلاسة؟ النبي قاعد مراقب. يعني المفروض اللي بيدي الدرس يبقى مش بيدي الدرس وهو مشغول بس ان هو يقول الكلام. يبقى - [00:48:57](#)

المراقب اللي قاعدين ورا عند السلم يبقى قاعد مراقب اللي قاعدين في النص كده ويبيغمزوا لبعض يبقى قاعد مراقب الرجالة اللي فوق يعني ايه ان اللي بيدي الدرس يبقى مراقب الناس ويشوف بقى مين بيعمل حاجة حلوة مين بيعمل حاجة وحشة يبدأ يايه ياخذ باله من الناس فالنبي عليه الصلاة والسلام لقطهم الا انبئكم بخبر الثلاثة اما - [00:49:17](#)

اللي هو جه وقعد في النص شف الكلام النبي عليه الصلاة والسلام قال كلام لا يتخيل انسان. ان ده اتقال في حضور درس في مسجد. ان الحديث ده في في اللي بيحضره الدروس واللي مش راضيين يحضروا الدروس. اصل انا مشغول. اصل انا والله ائذن لي ولا - [00:49:37](#)

مني اصل انا عندي سبع تلاف مشكلة شاغلاني يا راجل! والسهرة الحلوة ما فيش مشاكل شاغلاك عنها ليه؟ واصحابك لما بيسفروا لك من تحت يلا يا عم طالعة تطلع فوراً ليه؟ وماتش الكورة ما فيش مشاكل معه ليه؟ والساعتين اللي بتقعدهم كل يوم قدام الواتس والساعتين اللي قدام الفيس. والساعتين اللي على هشتاجات وعلى السوشيال ميديا - [00:49:57](#)

لقيت واشمعنى ربنا اللي ما لوش وقت؟ اشمعنى ربنا اللي انت مش لاقى وقت تسمع؟ قال الله وقال رسول الله هتقابل الرسول عليه الصلاة والسلام سمع الحوض باي وش. يقول لك ده انت كنت بتدي وقت لكل حد الا قال رسول الله. عليه الصلاة والسلام. المقصد الا انبئكم - [00:50:17](#)

بخبر الثلاثة. اما الاول اللي جه وقعد في النص. فاوى الى الله فاواه الله. اواه الله. عارف يعني ايه ربنا يأويك انت خلاص بقيت في في كنف الله يا شيخ. الف مبروك. ربنا هياويك في الدين وفي الدنيا خلاص انت دخلت في ولاية ربنا - [00:50:37](#)

عشان حضور الدروس! اه انت فاكر حضور الدروس ده ولا ايه! حضور الدروس ده اول حاجة النبي عليه الصلاة والسلام بايع عليها الانصار. لما راحوا له بياعة الرجال بيعة العقبة. مكان بيعة العقبة ده عند الجمرة الكبرى حد حج منكم قبل كده - [00:51:05](#)

يعني لا حد بيلعب جيم ولا حد بيقول شعر ولا حد حج لأ. اللهم يسر لنا كل خير يا رب. اللهم انا نسألك فمن الخير كله. عاجله واجله. ما علمنا منه وما لم نعلم. ونعوذ بك من الشر كله عاجله واجله. ما علمنا منه وما - [00:51:22](#)

آ نخلص الحديث بقى ان شاء الله ونقوم نصلي العشاء باذن الله. اما الاول فاوى الى الله فاواه الله. ده اللي حضر الدرس وقعد كمان بقى قدام ومتخيل واما الساني الساني اللي عمل ايه - [00:51:42](#)

اللي قعد برضه بس ورا. فاستحيا فاستحيا الله منه. يعني ايه استحيا الله منه ان الله حيي كريم كما قال النبي صلى الله عليه وسلم يستحي اذا رفع اليه احدكم يده ان يردهما ايه؟ صفرا غائبتين. يبقى - [00:51:56](#)

استحيا الله منه معناها ايه؟ بقى مستجاب الدعاء. ده ده اللي قاعد ورا. ده اللي سند على العمود وقعد ورا. امال اللي قاعد قدام ومركز بقى. ده اقل حاجة للي بيحضر درس ان ربنا يستجيب دعاؤه. واما السالس الخلع بقى. الخلعة الجية بقى - [00:52:16](#)

واما السالس فاعرض فاعرض الله عنه. فاعرض اعرض فين يا رب ده انا ده انا بس مشغول ده انا فاعرض. مشغول كل يوم؟ مشغول كل درس؟ فاعرض الله عنه. تخيل - [00:52:36](#)

اذا اعرض الله عن عبد الخير هيجي له منين؟ هيجي له منين بعد كده خير؟ كل ده عشان حضور دروس؟ عشان كده اخواني واحبابي في الله ان شاء الله بازن الله الواحد ممكن - [00:52:56](#)

يجي لكم مرة ثانية. بس نعمل لكم مسابقات بجد بقى يا عم احنا قعدنا نقول خمسميت جنيه والراجل قال كلمة. واما اجابو محمد جابو ما كناش قلنا قبلها جايزة ولله الحمد يعني ده مسالك من فضل الله علينا. فاحنا آآ بيتهيا لي صعب الاسئلة اه متهيا لي هتأخذ بس وقت احنا - [00:53:06](#)

أتأخرنا شوية. آآ ان شاء الله بازن الله مرة ثانية نبقي جايبين لكم شوية جوايز حلوة كده ان شاء الله بازن الله. وآآ انا سامع ان الشيخ علي قاسم جاي يوم الجمعة. ان شاء الله. مزبوط - [00:53:26](#)

اه بازن الله سبحانه وتعالى يعني احرصوا على حضور دروس العلم يا اخواني احرصوا على حضور اه اه الخطب الحلوة الدروس الايمانية آآ احرصوا على هذه المجالس يا جماعة تفرق معكم جدا في دنيتكم وفي دينكم. النجاح هنا زي ما ربنا يقول الاخت اللي بتقول السؤال الوحيد بقى ازاي اوفق بين الكلية واني اكون - [00:53:36](#)

ازاي ابدأ اكون داعية؟ ابدأ منين؟ هو مش مجالي هنا ان انا اقول لك تبدأي منين؟ يعني انت يعني يعني لان السؤال ده مش اجابته هنا انما ينفع ابقى شغال في الدعوة الى الله وابقى ناجح في كليتي؟ قال تعالى واوتينا العلم من قبلها وكنا مسلمين. العلم هنا - [00:53:56](#)

لما سيدنا سليمان جاب العرش بتاعها قبل ما هي تيجي. والصرح الممرض من قورين علوم دنيوية. علوم دنيوية جبار اوتينا العلم من قبلها. دلوقتي احنا اوتينا العلم من قبل الغرب ولا هم اللي زلينا بالعلم اللي عندهم؟ ربنا الايات بتفخر بنموزج سيدنا سليمان اللي قوي جدا في العلوم - [00:54:16](#)

دنيوية وكنا مسلمين مش بيحب جيد جدا ولا امتياز في الكلية وهو آآ مش متدين وكمان دين يا ودين. هو ده الاسلام. الاسلام دنيا ودين الاسلام انك تبقى ناجح في الاثنين. طب ابقى ناجح ازاي؟ يا ابني هو هو ربنا سبحانه وتعالى هيسر لك انه ييسره ليسرى. فاما من اعطى واتقى - [00:54:36](#)

وصدق الحسنى فسيسره. ربنا ييسر لك. وربنا يعينك. بس انت خليك جد. شل انت بس الساعتين بتوع الفيس بتوع كل يوم دول. وشيل انت بس الخمس ساعات اللي زيادة عن التسع - [00:55:01](#)

اللي انت بتنامهم كل يوم خمس ساعات بتوع القيلولة دول. وشيل انت يا شهيد شوية حاجات كده هتلاقي يومك بقى فيه بركة. بقى فيه انا باحزن والله العزيز يا اخواني اقسم بالله باحزن - [00:55:11](#)

اما الاقي الشباب والاخوة في المسجد بعد صلاة الفجر ولا الضحى كله. اما ارواح بقى عشان الحق انام. تنام ايه يا ابني؟ الحياة بتبدأ. انت رايح تنام الوقتي هتصحى امتى ولا وما نمتش بالليل ليه - [00:55:21](#)

الباشا سهران قدام قدام السوشيال ميديا ولا كان قاعد على الناصية مع اصحابه وهنمشي الليل ليه؟ مباريات مباريات الكرة بقى والباين سبورت ما نمتش ما نمتلكش اربع خمس ساعات بالليل ليه؟ وتصحى كده لو انت طالب من ستة لتسعة الصبح لتلات - [00:55:34](#)

ساعات دول تجيب جيد جدا. وانت حاطط رجل على رجل اخر السنة بازن الله. تلات ساعات بتوع الصبح دول. عافية اليوم يا عم انا بسهر طول الليل بزاكر خلاص يعني انت جد مش بتضيع وقتك خلاص يا عم ماشي انت راجل ترتيب يومك ماشي يعني انت انما ان الدنيا عندنا وقتك ده عمرك يا ابني - [00:55:54](#)

ليه؟ قال رسول الله صلى الله عليه وسلم ما من ساعة شف النبي بيعرفنا امتى الوقتي ازاي؟ وبيقول لك رتب وقتك ازاي؟ ما من ساعة تمر بابن ادم كده عارف وانت واقف العربية دلوقتي تمر يمين وشمال وانت عادي يعني الموضوع عمرك قاعد يعدي يا ابني النهاردة عملت ايه؟ كم واحد في المسجد صلى الفجر النهاردة؟ يرفع ايده كده - [00:56:12](#)

ما شاء الله كويس والله. ده ما شاء الله ده حوالي النص اللهم بارك. اللهم بارك. طب كم واحد قعد النهاردة جلسة الضحى طب مرة كت

في مسجد فبقول لهم ارجع له. والناس بقى مليانة يا رجالة ها مين فيكم يريد ان - 00:56:32

يموت شهيد في سبيل الله. على اعتاب المسجد الاقصى. بص بقى يالا الرعب بقى. كل الناس كدهو. يعني المفصل هيتخلع من بعضه
كلكم عايزين كلنا شهداء في سبيل الله. قلت لهم ده انتم اليهود لو شافوكم وركبهم هتسيب بصراحة. ده هيقع من طولهم. طب مين
فيكم بقى - 00:56:52

صلى الفجر النهاردة في الجامع كل اللي كان فوق بقى تحت اللي مستخبي في اللي قدامه. قلت له اذا كنت لا تستطيع ان تجاهد
البطانية الساعة خمسة الصبح. هتجاهد المركبة والاف ستاشر والاباتشي في الجهاد في سبيل الله. هو احنا يا اخوانا احنا بنضحك
على بعض - 00:57:12

يا ابني اذا كنت انت مش عارف تحفز الجزء الثاني. عايزين انتم جدعان. انتم رجالة. خدوا بالكم انا مش مش بقول كلام بقى باشد
عليك انتم اللهم من يعني يعني والله يا اخواني الواحد قلبه بيرقص من الفرح بالعينين اللي مركزة اوي دي. والشباب اللي الزكاء اللهم
بارك اللهم بارك - 00:57:32

بيتوقد في وجهه وما شاء الله لا قوة الا بالله الوشوش جميلة. اللهم بارك اللهم بارك. يعني والله العزيز انا حبيت هذه البلد. يعني وانا
في صدري دلوقتي كده ان شاء الله يعني - 00:57:52

اي فرصة تيجي ان شاء الله بازن الله بعد فترة الواحد يبجي تاني ان شاء الله بازن الله. الله يحفزك. ربنا يكرمك. جزاك الله خيرا
والله. يعني يعني اه انتم مش مبسوطين ولا ايه؟ طب اعمل انك مبسوط يا اخي. ما حدش حبيبي يا شيخنا. الناس هنا ما شاء -
00:58:02

اللهم بارك اللهم بارك اللهم بارك. قربنا يبارك فيكم وربنا يحفزكم وتبقوا يعني من اهل قول الله واوتينا العلم من قبلها وكنا مسلمين.
تبقوا ناس ناجحين دنيا نروح الوقت بيتك. روح بيتك بقى انا شايف ان المعزم طلب الجامعة. وطلبة سانوي. روح دلوقتي بيتك.
صلي سنة العشاء بقى لو انت ما كنتش صليتها في المسجد. بازن - 00:58:22

الله سبحانه وتعالى شد لك ثلاث ساعات مذاكرة حلوين. اول حاجة تعملها اول ما تروح البيت تعمل ايه؟ دخل العفريت في القمقم
بتاعه. هتدخل العفريته اعمل ايه؟ تقفل التليفون بتاعك. مش تعمله صامت. طيران. ها؟ واللي يتصل بك اكر من خمس - 00:58:42
حطه في البليك ليست. برص صدقوني والله العظيم اقسم بالله التليفون ممكن يبقى فتح وتواصل وممكن يضيع لك عمرك. اقرب
اكر سبب لتضييع عمر اي انسان هم اقرب خمس ناس بيعرفهم في حياته. بص للخمسة اللي حواليك - 00:59:02
دول سبب ضياع ولا سبب رفعة اكر ناس يضيعوك او يرفعوك اقرب خمسة لك. راجع نفسك في صحابك القريبين منك اوي. بيزقوك
في بيزقوك في الدنيا بيزقوك في النجاح ولا مفشليتك ولا مجرجرينك وراهم ومتوهينك ومضيعين لك حياتك. مش عايزين -
00:59:22

اوعى فوق لنفسك اول ما تروح اقل المحول انت بني ادم. في وقت بتفتح تليفونك ووقت بتقفل تليفونك. هو انت آآ هو انت
استراحة في الشارع اللي عايز يبجي يقعد يقعد - 00:59:42

حضرتك فاتحها فاتح حياتك كازينو لاي واحد فاضي عايز يدخل يتطفل على حياتك يتطفل لازم تبقى عارف انت امتى بتقعد تشوف
مصلحتك وامتى انزل وسط الناس اقل تليفونك ثلاث ساعات كده شد لك ثلاث ساعات حلوين مذاكرة. شد لك تسع وبعد كده امسك
المصحف ها بعد ما تخلص كده امسك - 00:59:52

يا سلام! والواحد كان في اولي طب بقى اما كنت اخلص مذاكرة على اتناشر بالليل كده واقوم انا ياما ما كنتش اعرف حاجة في
المصحف. يعني بس واحد صاحبي جاب لي مصحف حلوزي ده كده هدية. جزاه الله - 01:00:12

الله يرحمه يعني توفي. جاب لي مصحف هدية. بقيت كل يوم اخلص مذاكرة واقوم فاتح من اي مكان. مرة فتحت لقيت سورة النمل
لا انساها. لا انسى الاحساس اللي كنت باحسه بعد ما زكرت لي ثلاث اربع ساعات كده او خلصت المذاكرة واقوم قاعد بقى قاري لي
ايه كذا صفحة قرآن حلوين كده. لا انساها. يبقى انت - 01:00:22

وبعد كده تنام تصحى تصلي الفجر تقعد تشد لك ثلاث ساعات تانيين بعد الفجر. يا بني ادم عايز يا عم تروح تسريح لك ثلاث اربع

ساعات تلعب كورة ولا ايه اعمل ايه - [01:00:42](#)

تروح جيم تتعلم بدل ما تلعب كورة. رح اتعلم رياضة. رح اتعلم رياضة. رياضة احترف في الرياضة. احترف في نوع من انواع الرياضات لنفسك يا ابني خليك انسان وقتك له قيمة. حياتك لها قيمة ربنا يسدكم ويبارك فيكم يا رب. اللهم اهدنا فيمن هديت

وعافنا فيمن عافيت. وتولنا فيمن - [01:00:52](#)

من توليت وقنا واصرف عنا شر ما قضيت. اللهم بارك في هذا الجمع المبارك يا رب العالمين. اللهم بارك في رجاله ونسائه وشبابه

وبناته واطفاله اللهم بارك في كل هذا الجمع يا ارحم الراحمين. اللهم زدنا ولا تنقصنا. اللهم اكرمنا ولا تهنا. اللهم - [01:01:12](#)

ولا تحرمنا. اللهم اثرا ولا تؤثر علينا. اللهم اهدنا ويسر الهدى الينا. اللهم ارزقنا النجاح في الدين والدنيا يا رب العالمين. اللهم اصلح لنا

ديننا ودنيانا. اللهم وفقنا وارشدنا وعلمنا وفهمنا. اللهم اقمنا على مرادك منا. اللهم استخرج منا ما يرضيك عنا - [01:01:32](#)

برحمتك يا ارحم الراحمين سبحانك اللهم وبحمدك اشهد ان لا اله الا انت استغفرك واتوب اليك - [01:01:52](#)